

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

..... 2009 թվականի N - Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2002 ԹՎԱԿԱՆԻ
ՆՈՅՏԵՄԲԵՐԻ 21-Ի N 1888-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2002 ԹՎԱԿԱՆԻ
ՍԵՊՏԵՄԲԵՐԻ 5-Ի N 1516 –Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
ՄԱՍԻՆ**

Ղեկավարվելով «Իրավական ակտերի մասին» Հայաստանի Հանրապետության օրենքի 70-րդ հոդվածի դրույթներով և հիմք ընդունելով «Բուսասանիտարիայի մասին» Հայաստանի Հանրապետության օրենքի դրույթները՝ Հայաստանի Հանրապետության կառավարությունը որոշում է.

Հայաստանի Հանրապետության կառավարության 2002 թվականի նոյեմբերի 21-ի «Հայաստանի Հանրապետության գյուղատնտեսության նախարարության բույսերի կարանտինի և երկրագործության պետական տեսչություն ստեղծելու, տեսչության կանոնադրությունը և կառուցվածքը հաստատելու մասին» N 1888-Ն որոշման (այսուհետ՝ Որոշում) մեջ կատարել հետևյալ փոփոխություններն ու լրացումները՝

1. Որոշման վերնագրում, 1-ին կետում, 2-րդ կետի ա) և բ) ենթակետերում և 3-րդ կետում «բույսերի կարանտինի և երկրագործության» բառերը փոխարինել «աշխատակազմի բուսասանիտարիայի» բառերով.

2. Որոշմամբ հաստատված N 1 հավելվածի՝

1) վերնագրում «բույսերի կարանտինի և երկրագործության» բառերը փոխարինել «աշխատակազմի բուսասանիտարիայի» բառերով.

2) 1-ին կետը շարադրել հետևյալ խմբագրությամբ՝

«1. Հայաստանի Հանրապետության գյուղատնտեսության նախարարության աշխատակազմի բուսասանիտարիայի պետական տեսչությունը (այսուհետ՝ տեսչություն) Հայաստանի Հանրապետության գյուղատնտեսության նախարարության (այսուհետ՝ նախարարություն) աշխատակազմում գործող առանձնացված ստորաբաժանում է, որն օրենքով, իսկ առանձին դեպքերում նաև՝ Հայաստանի Հանրապետության օրենսդրությամբ նախատեսված դեպքերում բուսասանիտարիայի բնագավառում իրականացնում է

վերահսկողական գործառույթներ և կիրառում պատասխանատվության միջոցներ՝ հանդես գալով Հայաստանի Հանրապետության անունից»:

3) 6-րդ կետի «հայերեն» բառից հետո լրացնել «ռուսերեն և անգլերեն» բառերով.

4) 7-րդ և 8-րդ կետերը շարադրել հետևյալ խմբագրությամբ՝

«7. Տեսչության նպատակները և խնդիրներն են՝

1) Հայաստանի Հանրապետության տարածքում բույսերի կարանտին և կարգավորվող ոչ կարանտին վնասակար օրգանիզմների հայտնաբերումը.

2) Հայաստանի Հանրապետության տարածք բույսերի կարանտին վնասակար օրգանիզմների ներթափանցման կանխարգելումը.

3) բույսերի, բուսական արտադրանքի և կարգավորվող առարկաների ներմուծման ու արտահանման գործառույթների իրականացման ընթացքում բուսասանիտարական կանոնների և նորմերի պահպանման ապահովումը.

4) ագրարային կանոններով սահմանված պահանջների կատարման նկատմամբ վերահսկողության ապահովումը.

5) «Բուսասանիտարիայի մասին» Հայաստանի Հանրապետության օրենքով սահմանված պահանջների խախտումների հայտնաբերումը և կանխումը.

6) ֆիզիկական և իրավաբանական անձանց՝ հողերի մշակության, պարարտանյութերի օգտագործման, բույսերի վնասակար օրգանիզմների դեմ իրականացվող պայքարի, թունանյութերի, սերմանանյութերի, տնկանյութերի (արմատակալների) արտադրության, ներմուծման, փոխադրման, պահպանման, իրացման, դրանց ցանքային պիտանիության և որակի ստուգման, ինչպես նաև գյուղատնտեսական նշանակության հողերի բերրիության և օգտակար այլ հատկությունների պահպանության և վերականգնման, դրանց արդյունավետ օգտագործման, մոնիթորինգի իրականացման ու բազմաբնույթ կադաստրի վարման նկատմամբ վերահսկողության ապահովումը:

8. Տեսչությունը իր նպատակների և խնդիրների իրականացման համար Հայաստանի Հանրապետության օրենսդրությամբ սահմանված կարգով կառուցվածքային ստորաբաժանումների ու տարածքային մարմինների միջոցով իրականացնում է հետևյալ գործառույթները՝

1) իրագործում է բույսերի կարանտինի և բույսերի պաշտպանության ծրագրեր.

2) վերահսկողություն է իրականացնում ներմուծվող, տարանցիկ փոխադրվող բույսերի, բուսական արտադրանքի և կարգավորվող առարկաների՝ արտահանող երկրի կողմից տրված բուսասանիտարական փաստաթղթերի համապատասխանության նկատմամբ.

3) իր լիազորությունների սահմաններում վերահսկողություն է իրականացնում բույսերի պաշտպանության միջոցների և պարարտանյութերի ներմուծման, արտահանման, պահպանման,

փոխադրման, իրացման, օգտագործման գործընթացների, ինչպես նաև բուսասանիտարական կանոնների և նորմերի պահանջների կատարման նկատմամբ.

4) Հայաստանի Հանրապետության տարածքում վնասակար օրգանիզմներ հայտնաբերելու և դրանց հետագա տարածումը կանխարգելելու նպատակով պարբերաբար անցկացնում է մոնիթորինգ, վերահսկողություն է իրականացնում այլ ծառայությունների կողմից կատարվող վնասակար օրգանիզմների մոնիթորինգի անցկացման նկատմամբ, կատարում է բուսասանիտարական վտանգի վերլուծություն, արդյունքների հիման վրա որոշում կարանտին վնասակար օրգանիզմներից ազատ (զերծ) գոտիների սահմանները և ներկայացնում լիազոր մարմնի հաստատմանը.

5) վերլուծում է գյուղատնտեսական, գեղագարդային մշակաբույսերի և անտառի բուսասանիտարական վիճակը, անհրաժեշտության դեպքում իրազեկում է պետական կառավարման և տեղական ինքնակառավարման մարմիններին, ինչպես նաև ֆիզիկական և իրավաբանական անձանց՝ վնասակար օրգանիզմների հայտնաբերման, կանխարգելման, տարածման, դրանց դեմ պայքարի համալիր միջոցառումների կիրառման մասին.

6) բուսասանիտարական վտանգի վերլուծության հիման վրա նախապատրաստում է Հայաստանի Հանրապետության տարածքում բացակայող կամ սահմանափակ տարածում ունեցող կարանտին և կարգավորվող ոչ կարանտին վնասակար օրգանիզմների ցանկը և այն ներկայացնում լիազոր մարմին՝ հաստատման.

7) կանխարգելիչ միջոցառումներ է ձեռնարկում Հայաստանի Հանրապետությունում պետական գրանցում չստացած, օգտագործումից հանված, ժամկետանց և արգելված, բնակչության առողջության և շրջակա միջավայրի համար վտանգավոր բույսերի պաշտպանության միջոցների իրացման, օգտագործման և ազրարային կանոնների խախտմամբ կատարվող պայքարի աշխատանքների իրականացման ուղղությամբ.

8) վերահսկողություն է իրականացնում իրավաբանական և ֆիզիկական անձանց հողային, արտադրական, առևտրային, պահեստային տարածքներում և կարգավորվող առարկաներում բույսերի պաշտպանությանն ուղղված միջոցառումների անցկացման նկատմամբ.

9) ֆիզիկական և իրավաբանական անձանց տալիս է բույսերի, բուսական արտադրանքի, կարգավորվող առարկաների, բույսերի պաշտպանության միջոցների և պարարտանյութերի ներմուծման թույլտվություն և բույսերի, բուսական արտադրանքի ու կարգավորող առարկաների ներմուծման, արտահանման, վերաարտահանման բուսասանիտարական հավաստագրեր,

10) վերահսկողություն է իրականացնում գյուղատնտեսական հողերից, ոռոգման ջրից, բույսերից, բուսական արտադրանքից և կարգավորվող առարկաներից փորձաքննության նպատակով կատարվող նմուշառման, հողերի մշակության, սերմնանյութերի և տնկանյութերի արտադրության, ներմուծման, փոխադրման, պահպանման, իրացման, օգտագործման

գործընթացներում որակի բուսասանիտարական ստուգման և վնասակար օրգանիզմների դեմ տարվող պայքարի միջոցառումների անցկացման նկատմամբ.

11) ներմուծվող բեռներում հայտնաբերված կարանտին վնասակար օրգանիզմների մասին ծանուցում է արտահանող երկրի բուսասանիտարիայի բնագավառի պետական մարմնին, բույսերի պաշտպանության եվրոպական և միջերկրածովյան կազմակերպությանը և Հայաստանի Հանրապետության բոլոր սահմանային հսկիչ կետերին:».

5) 17-րդ կետի 2-րդ պարբերությունում «համազգեստ» բառից հետո լրացնել «, որն ունի խորհրդանիշ և տարբերանշան» բառերով, իսկ 3-րդ պարբերությունում «Բույսերի պաշտպանության և բույսերի կարանտինի մասին» բառերը փոխարինել «Բուսասանիտարիայի մասին» բառերով:

3. Որոշմամբ հաստատված N 2 հավելվածը շարադրել նոր խմբագրությամբ՝ համաձայն հավելվածի:

4. Հայաստանի Հանրապետության կառավարության 2002 թվականի սեպտեմբերի 5-ի «Հայաստանի Հանրապետության գյուղատնտեսության նախարարության աշխատակազմ» պետական կառավարչական հիմնարկ ստեղծելու, Հայաստանի Հանրապետության գյուղատնտեսության նախարարության կանոնադրությունը և աշխատակազմի կառուցվածքը հաստատելու մասին» N 1516-Ն որոշման մեջ կատարել հետևյալ փոփոխությունը՝

որոշման N 2 հավելվածի երկրորդ բաժնի «Բույսերի կարանտինի և երկրագործության պետական տեսչություն» բառերը փոխարինել «Բուսասանիտարիայի պետական տեսչություն» բառերով:»:

5. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Հավելված
Հայաստանի Հանրապետության
կառավարության 2009 թվականի
.....-ի N –Ն որոշման

«Հավելված N 2
Հայաստանի Հանրապետության
կառավարության 2002 թվականի
նոյեմբերի 21-ի N 1888-Ն որոշման»

ԿԱՌՈՒՅՎԱԾՔ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ ԱՇԽԱՏԱԿԱԶՄԻ ԲՈՒՍԱՍԱՆԻՏԱՐԻԱՅԻ ՊԵՏԱԿԱՆ ՏԵՍՉՈՒԹՅԱՆ

I. Կառուցվածքային ստորաբաժանումներ

Բուսասանիտարական հսկողության և սահմանային հսկիչ կետերի համակարգման բաժին
Բուսասանիտարիայի և հաշվառման բաժին

II. Տարածքային մարմիններ

Բուսասանիտարիայի պետական տեսչության Երևանի սահմանային հսկիչ կետ
Բուսասանիտարիայի պետական տեսչության «Զվարթնոց» օդանավակայանի
սահմանային հսկիչ կետ

Բուսասանիտարիայի պետական տեսչության Մարգարայի սահմանային հսկիչ կետ
Բուսասանիտարիայի պետական տեսչության Ագարակի սահմանային հսկիչ կետ
Բուսասանիտարիայի պետական տեսչության Գյումրիի օդանավակայանի և Ախուրիկի
սահմանային հսկիչ կետ

Բուսասանիտարիայի պետական տեսչության Բավրայի սահմանային հսկիչ կետ
Բուսասանիտարիայի պետական տեսչության Գոգավանի սահմանային հսկիչ կետ
Բուսասանիտարիայի պետական տեսչության Այրումի սահմանային հսկիչ կետ
Բուսասանիտարիայի պետական տեսչության Բագրատաշենի սահմանային հսկիչ կետ
Բուսասանիտարիայի պետական տեսչության բուսասանիտարիայի և հաշվառման Երևանի
մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման
Արագածոտնի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման
Արարատի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Արմավիրի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Գեղարքունիքի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Լոռու մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Կոտայքի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Շիրակի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Սյունիքի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Վայոց ձորի մարզային ստորաբաժանում

Բուսասանիտարիայի պետական տեսչության բուսասանիտարիայի և հաշվառման Տավուշի մարզային ստորաբաժանում

Հ Ի Մ Ն Ա Վ Ո Ր ՈՒ Մ

«Հայաստանի Հանրապետության կառավարության 2002 թվականի նոյեմբերի 21-ի N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի ընդունման անհրաժեշտության վերաբերյալ

Հայաստանի Հանրապետության կառավարության 2002 թվականի նոյեմբերի 21-ի «Հայաստանի Հանրապետության գյուղատնտեսության նախարարության բույսերի կարանտինի պետական տեսչություն ստեղծելու, տեսչության կանոնադրությունը և կառուցվածքը հաստատելու մասին» N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի ընդունումը պայմանավորված է հետևյալ խնդիրների լուծման անհրաժեշտությամբ՝

1. տեսչության անվանման, կառուցվածքի «Բուսասանիտարիայի մասին» Հայաստանի Հանրապետության օրենքի դրույթներին համապատասխանեցում.

2. բույսերի, բուսական արտադրանքի, կարգավորվող առարկաների, բույսերի պաշտպանության միջոցների և պարարտանյութերի համար տրամադրվող ներմուծման թույլտվության և արտահանման ու վերաարտահանման բուսասանիտարական հավաստագրերի ռուսերեն և անգլերեն լեզուներով կնքում.

3. «Բուսասանիտարիայի մասին» Հայաստանի Հանրապետության օրենքի 17-րդ հոդվածի 2010 թվականի հունվարի 1-ից կիրարկում.

4. տեսչության առկա հաստիքների առավել արդյունավետ օգտագործում և նոր հաստիքների պահանջի բացառում.

5. Հայաստանի Հանրապետության վարչապետի 2009 թվականի հուլիսի 22-ի «Բույսերի կարանտինի և բույսերի պաշտպանության մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի կիրարկումն ապահովող միջոցառումների մասին» N 614-Ա որոշման ցանկի 1-ին կետի պահանջի կատարում:

Որոշման նախագծի ընդունման արդյունքում կապահովվի բուսասանիտարիայի պետական տեսչության կանոնադրական խնդիրների, նպատակների և գործառույթների համապատասխանեցումը «Բուսասանիտարիայի մասին» Հայաստանի Հանրապետության օրենքի դրույթներին:

Տ Ե Ղ Ե Կ Ա Ն Ք

«Հայաստանի Հանրապետության կառավարության 2002 թվականի նոյեմբերի 21-ի N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի ընդունման կապակցությամբ ՀՀ պետական բյուջեում ծախսերի և եկամուտների ավելացման կամ նվազեցման բացակայության մասին

«Հայաստանի Հանրապետության կառավարության 2002 թվականի նոյեմբերի 21-ի «Հայաստանի Հանրապետության գյուղատնտեսության նախարարության բույսերի կարանտինի պետական տեսչություն ստեղծելու, տեսչության կանոնադրությունը և կառուցվածքը հաստատելու մասին» N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի ընդունման կապակցությամբ ՀՀ պետական բյուջեում ծախսերի և եկամուտների ավելացում կամ նվազեցում չի առաջանում

Տ Ե Ղ Ե Կ Ա Ն Ք

«Հայաստանի Հանրապետության կառավարության 2002 թվականի նոյեմբերի 21-ի N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի ընդունմամբ այլ իրավական ակտերում փոփոխություններ և լրացումներ կատարելու անհրաժեշտության բացակայության մասին

«Հայաստանի Հանրապետության կառավարության 2002 թվականի նոյեմբերի 21-ի «Հայաստանի Հանրապետության գյուղատնտեսության նախարարության բույսերի կարանտինի պետական տեսչություն ստեղծելու, տեսչության կանոնադրությունը և կառուցվածքը հաստատելու մասին» N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի ընդունմամբ այլ իրավական ակտերում փոփոխություններ և լրացումներ կատարելու անհրաժեշտության չի առաջանում

Տ Ե Ղ Ե Կ Ա Ն Ք

«Հայաստանի Հանրապետության կառավարության 2002 թվականի նոյեմբերի 21-ի «Հայաստանի Հանրապետության գյուղատնտեսության նախարարության բույսերի կարանտինի պետական տեսչություն ստեղծելու, տեսչության կանոնադրությունը և կառուցվածքը հաստատելու մասին» N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի կապակցությամբ շահագրգիռ նախարարների առարկությունների ու առաջարկությունների վերաբերյալ

Առարկությունների և առաջարկությունների հեղինակը (ամսաթիվը)	Առարկության, առաջարկության բովանդակությունը	Եզրակացություն
<p>Հայաստանի Հանրապետության ֆինանսների նախարարություն 4/4-2-1311-7087 19.10.2009 թ.</p>	<p>ՀՀ ֆինանսների նախարարությունը քննարկել է «Հայաստանի Հանրապետության կառավարության 2002 թվականի նոյեմբերի 21-ի N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագիծը և չի առարկում առաջարկվող փոփոխությունները կատարել ՀՀ գյուղատնտեսության նախարարության համար հաստատված ընդհանուր թվաքանակի և պահպանման ծախսերի սահմաններում:</p>	
<p>Հայաստանի Հանրապետության կառավարությանն առընթեր պետական եկամուտների կոմիտեի նախագահ 26708/3-2 20.10.2009 թ.</p>	<p>«Հայաստանի Հանրապետության կառավարության 2002 թվականի նոյեմբերի 21-ի N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի վերաբերյալ առաջարկություններ չունենք:</p>	
<p>Հայաստանի Հանրապետության էկոնոմիկայի նախարարություն 01/16.21/4504-09 27.10.2009 թ.</p>	<p>«Հայաստանի Հանրապետության կառավարության 2002 թվականի նոյեմբերի 21-ի N 1888-Ն որոշման մեջ փոփոխություններ և լրացումներ և Հայաստանի Հանրապետության կառավարության 2002 թվականի սեպտեմբերի 5-ի N 1516-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի վերաբերյալ ՀՀ էկոնոմիկայի նախարարությունը հայտնում է, որ առավել նպատակահարմար է հարցը քննարկել տեսչական բարեփոխումների շրջանակում, երբ ՀՀ</p>	<p>«Բուսասանիտարիայի մասին» ՀՀ օրենքի ընդունման կապակցությամբ անհրաժեշտություն է առաջացել հստակեցնել տեսչության</p>

	<p>գյուղատնտեսության նախարարության աշխատակազմի բույսերի կարանտինի պետական տեսչությունը կընդգրկվի պիլոտային ծրագրում, քանի որ բարեփոխումների ընթացքում այն, միևնույն է, կարիք կլինի վերանայել:</p>	<p>գործառնությունները: Տեսչությունը պիլոտային ծրագրում ընդգրկվելու դեպքում, ըստ անհրաժեշտության կկատարվեն համապատասխան փոփոխություններ:</p>
<p>Հայաստանի Հանրապետության արդարադատության նախարարություն 03.11.2009 թ. Ե-5771</p>	<p>Որոշման նախագծի վերաբերյալ հայտնում ենք, որ</p> <ol style="list-style-type: none"> 1. Նախաբանում «1888- Ն որոշման» բառից հետո անհրաժեշտ է լրացնել «այսուհետև Որոշում» բառերը: 2. 2-րդ կետի 5-րդ ենթակետում անհրաժեշտ է. <ol style="list-style-type: none"> 1) «բառեր, իսկ» բառերը փոխարինել «բառերն, իսկ 3-րդ պարբերությունում» բառերով, 2) «խորհրդանիշ, բառից առաջ լրացնել «որն ունի» բառերով: 3. Որոշման նախագծով հաստատվող հավելվածի 2-ի վերին աջ անկյունում «Հայաստանի Հանրապետության կառավարության» բառերից առաջ անհրաժեշտ է «հավելված N 2» բառը փոխարինել «հավելված» բառով՝ համապատասխանեցնելով որոշման նախագծի 3-րդ կետի պահանջներին: Նախագիծն անհրաժեշտ է համաձայնեցնել նաև Հայաստանի Հանրապետության էկոնոմիկայի նախարարության հետ: 	<p>Ընդունվել է:</p> <p>Ընդունվել է:</p> <p>Ընդունվել է:</p> <p>Ընդունվել է:</p> <p>Ընդունվել է:</p> <p>Ընդունվել է:</p>

